

Lätsi sanna

Läämi vihta veerümähe, vihta veerümähe
Oi malina, oi tummai tummai-jaa, oi malina
läämi luuda lõikumahe, luuda lõikumahe
asto aro mõtsa ala, aro mõtsa ala
kõnni kõivo võso viirde, kõivo võso viirde
tuu õks kodo aroviha, kodo aroviha
noorõ-ks kõivo lehesitä, kõivo lehesitä
ku sis tulli puulpühä, tulli puulpühä
saiõ sanna pääväkõnõ, sanna pääväkõnõ
panni sanna savvumahe, sanna savvumahe
külä sanna küttümähe, sanna küttümähe
võti peio pehme viha, peio pehme viha
aro viha kangla ala, viha kangla ala
lätsi sanna lämmähe, sanna lämmähe
lõivo sanna lõunõhe, sanna lõunõhe
naksi-ks sälgä soputamma, sälgä soputamma
vihaga ma vihtõlõma, naksi vihtõlõma
viho-ks tur´o tugõvasta, tur´o tugõvasta
viho piha pehemestä, piha pehemestä
kuvvõst pääväst kuuti lüvvä, jälki kuuti lüvvä
nädäläst jäl tüüd tetä, jälki tüüd tetä

Läksin metsa viha jaoks oksid tooma. Tõin oksad koju ja tegin neist hea viha. Laupäeva tülles kütsin sauna ja vihtlesin seal kõvasti. Nüüd olen jälle valmis nädala jagu tööd tegema.